



Broj: 01-02-1763/16-2
Ilidža, 28.04.2016.godine

Na osnovu Poglavlja VI. člana 4.a) Ustava Federacije Bosne i Hercegovine („Službene novine Federacije Bosne i Hercegovine“, broj 1/94,13/97,16/02, 22/02, 52/02,18/03, 63/03, 9/04, 20/04,33/04,71/05, 32/07-ispravka i 88/08), člana 13. stav 2. alineja prva Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“, broj 49/06,51/09) i člana 97. stav 6. Statuta općine Ilidža - Prečišćeni tekst - („Službene novine Kantona Sarajevo“, broj 33/10), Općinsko vijeće Ilidža na 38.redovnoj sjednici održanoj dana 28.04.2016.godine, donijelo je

O D L U K U O IZMJENAMA I DOPUNAMA STATUTA OPĆINE ILIDŽA

Član 1.

U Statutu općine Ilidža - Prečišćeni tekst („Službene novine Kantona Sarajevo“, broj 33/10), član 8. mijenja se i glasi:

„Općina ima grb, zastavu i pečat kao obilježja.

Općina može imati i druga obilježja koja odlukom utvrdi Općinsko vijeće Ilidža.

Sadržaj, izgled, likovno-grafičko rješenje i način upotrebe grba i zastave Općine uređuje se odlukom Općinskog vijeća Ilidža.“

Član 2.

U članu 10. iza riječi: *“Ustavom Kantona“* dodaje se riječ: *„Sarajevo“*.

Član 3.

U članu 11. iza riječi: *„budžet Kantona“* dodaje se riječ: *“Sarajevo“*.

Član 4.

Član 15. mijenja se i glasi:

„Općinski organi vlasti dužni su osigurati saradnju sa nadležnim organima i institucijama za ostvarivanje i zaštitu ljudskih prava i osnovnih sloboda građana u skladu sa Ustavom i zakonom.“

Član 5.

Član 17. se briše.

Član 6.

U članu 18. na kraju teksta riječi: *“ovim statutom“* zamjenjuju se riječima: *“ovim Statutom.“* i u cijelom tekstu Statuta gdje stoji riječ *„ovim statutom“* da se riječ *„statutom“* piše velikim početnim slovom.

Član 7.

Član 19. stav (1) mijenja se i glasi:

„Općina je samostalna u odlučivanju i sprovođenju poslova iz samoupravnog djelokruga rada, u skladu sa ustavom i zakonom.“

U članu 19. stav (2) iza tačke 12. dodaje se nova tačka 13. koja glasi: *“13. uspostavljanje i vršenje inspekcijskog nadzora nad izvršavanjem propisa iz vlastitih nadležnosti općine“*.

Dosadašnja tačka 13. postaje tačka 14.

Član 8.

Član 24. mijenja se i glasi:

„Općinsko vijeće ima 31 vijećnika, čiji se izbor vrši na način i po postupku utvrđenim Izbornim zakonom Bosne i Hercegovine, i ovaj broj mandata će se primjenjivati počev od Lokalnih izbora koji će se održati u oktobru 2016.godine.“

Član 9.

U članu 28. alineja deseta iza riječi: *“ samoupravnog djelokruga Općine“* dodaju se riječi: *„Strategiju razvoja općine i druge strateške dokumente u skladu sa zakonom“* piše se tačka a preostali dio teksta se briše.

U članu 28. alineja jedanaesta iza riječi *„općinskim porezima“* dodaju se riječi: *“ taksama, naknadama i doprinosima“* a ostali dio teksta ostaje nepromjenjen.

U članu 28. alineja dvanaesta na kraju teksta tačka zarezom i dodaju se riječi: *„ razmatra izvještaje o radu i finansijskom poslovanju u skladu sa odlukama o osnivanju“*.

U članu 28. iza alineje dvanaeste dodaje se nova alineja trinaest koja glasi: *„ donosi provedbeno plansku dokumentaciju i druge akte iz oblasti prostornog uređenja u skladu sa zakonom“*.

Dosadašnje alineje trinaest, četrnaest, petnaest, šesnaest, sedamnaest, osamnaest, devetnaest, dvadeset, dvadeset i jedan i dvadeset i dva postaju alineje četrnaest, petnaest, šesnaest, sedamnaest, osamnaest, devetnaest, dvadeset, dvadeset i jedan, dvadeset i dva i dvadeset i tri.

Član 10.

U članu 29. stav (3) riječ *“utvrđuju“* se zamjenjuje riječju *“uređuju“*.

Član 11.

U članu 38. stav (2) riječi *“odluku o davanju saglasnosti za dodjelu koncesije“* zamjenjuju se riječima *“odluke vezane za koncesije a u skladu sa Zakonom o koncesijama“*.

Član 12.

U članu 41.stav (1) u tačka 4. riječ *„ predlaže“* se zamjenjuje riječju *“utvrđuje“*.

Član 13.

U članu 41.b. riječi: *„ informisati Vijeće o ostvarivanju politike Općine, koju utvrđuje Vijeće“* zamjenjuje se riječima: *“ dostaviti Općinskom vijeću na razmatranje izvještaj o provođenju općinske politike i svojih aktivnosti „*

Član 14.

U članu 42. iza riječi „*općinskih službi za upravu*“ dodaju se riječi: „*stručnih i posebnih službi*“.

Član 15.

U članu 43. iza riječi „*Općinske službe za upravu*“ dodaju se riječi „*stručne i posebne službe*“ i alinea treća riječi „*koje obavljaju na osnovu javnih ovlaštenja*“ se brišu.

Član 16.

U članu 52. stav (2) iza riječi „*u skladu sa ovim statutom*“ briše se tačka i dodaju se riječi „*i statutom mjesne zajednice*“ i stavlja se tačka.

Član 17.

U članu 57. riječi „*u popis birača,*“ zamjenjuju se riječima „*u birački spisak*“ i riječi „*Općinsko vijeće*“ se zamjenjuje riječima „*općinski vijećnici*“.

Član 18.

Član 58. mijenja se i glasi:

“Ako su građani podnosioci inicijative za osnivanje mjesne zajednice, ovakvu inicijativu mora lično potpisati najmanje 10% birača upisanih u birački spisak sa područja za koje se predlaže osnivanje mjesne zajednice.

Inicijativa za osnivanje mjesne zajednice dostavlja se predsjedavajućem Vijeća i mora biti u pisanoj formi sa obrazloženje. Inicijativa mora da sadrži i podatke o nazivu i sjedištu mjesne zajednice, kao i područje naseljenog mjesta za koje se traži osnivanje mjesne zajednice.”

Član 19.

Članovi 59., 60. i 61. se brišu.

Član 20.

Član 62. stav (1) mijenja se i glasi:

“Općinsko vijeće je dužno da svoj stav podnosiocu inicijative za osnivanje mjesne zajednice dostavi najkasnije u roku od 60 dana od dana prijema inicijative. Ukoliko podnosilac inicijative nije općinski načelnik, Općinsko vijeće je dužno pribaviti i izjašnjenje općinskog načelnika o ovoj inicijativi. Ukoliko Općinsko vijeće ocjeni da inicijativa za osnivanje mjesne zajednice sadrži sve elemente propisane ovim Statutom kao i da su razlozi za osnivanje mjesne zajednice opravdani, donijeti će Zaključak o prihvatanju inicijative za osnivanjem mjesne zajednice. Zaključkom će Općinsko vijeće zadužiti općinskog načelnika da putem nadležnih općinskih službi, i Savjeta mjesnih zajednica, izradi dokument o opravdanosti potrebe osnivanja mjesne zajednice sa aspekta materijalnih i drugih uslova, kao i efikasnijeg funkcionisanja mjesne samouprave, kao i da Općinskom vijeću dostavi Odluku o osnivanju mjesne zajednice.”

Član 21.

Član 66. stav (2) riječ „*svom*“ se briše a iza riječi „*zboru*“ briše se tačka i dodaje riječ „*građana*“.

Član 22.

U članu 67. riječi „*način finansiranja*“ se brišu.



Član 23.

Član 71. stav (3) se briše.

Član 24.

Iza člana 71. dodati novi član 71a. koji glasi:

„Mandat članu Savjeta mjesne zajednice može prestati i prije isteka vremena na koji je biran u skladu sa odredbama ovog Statuta i Statuta mjesne zajednice.

Prestanak mandata člana Savjeta mjesne zajednice prije isteka vremena na koji je biran i način i postupak razrješenja odnosno imenovanje članova Savjeta mjesne zajednice do narednih izbora uređuje se statutom mjesne zajednice.“

Član 25.

U članu 72. riječi *“finansijski plan i završni račun,“* se brišu.

Član 26.

Član 76. mijenja se i glasi:

“Sredstva za rad mjesnih zajednica, odnosno sredstva za obavljanje poslova koji su iz samoupravnog djelokruga općine preneseni ili povjereni mjesnim zajednicama obezbjeđuju se u budžetu općine.

Mjesna zajednica može osigurati prihode za obavljanje poslova iz svoje nadležnosti i to od:

- sredstava samodoprinosa*
- sredstava za usluge koje svojim aktivnostima ostvaruje mjesna zajednica*
- poklona i drugih sredstava.“*

Član 27.

Član 78. mijenja se i glasi:

„Nadzor nad radom organa mjesnih zajednica vrši Općinsko vijeće putem Komisije za Statut i propise i Komisije za prostorno planiranje, mjesne zajednice, komunalne poslove i ekologiju, svaka u okviru svojih nadležnosti utvrđenih Odlukom o osnivanju stalnih radnih tijela Općinskog vijeća Ilidža.“

Član 28.

Član 84. mijenja se i glasi:

„Općina samostalno raspolaže prihodima koji joj pripadaju, a na prijedlog općinskog načelnika se može zaduživati i zaključivati ugovore o kreditu, o čemu odluku u skladu sa zakonom donosi Općinsko vijeće.“

Član 29.

Član 85. stav (1) se briše.

U članu 85. stav (2) riječi *„Jedinstvena pravila za izradu pravnih propisa u institucijama Bosne i Hercegovine“* se zamjenjuju riječima *„Pravila i postupci za izradu zakona i drugih propisa Federacije Bosne i Hercegovine“*.

Dosadašnji stav (2) postaje stav (1).

Dosadašnji stav (3) postaje stav (2).

Član 30.

Član 90. mijenja se i glasi:

„Općinski načelnik, u izvršavanju zakona i propisa i općih akata iz samoupravnog djelokruga općine, donosi odluke, rješenja, zaključke, naredbe i druge akte za koje je ovlašten zakonom, drugim propisom, ovim Statutom ili aktima Općinskog vijeća.

Protiv upravnih akata općinskog načelnika donesenih u prvom stepenu na osnovu Statuta općine ili propisa Općinskog vijeća u drugom stepenu rješava Drugostepena stručna komisija Općinskog vijeća.

Drugostepena stručna komisija Općinskog vijeća je nadležna da rješava u drugom stepenu protiv upravnih akata općinskog načelnika i u slučajevima kada je to posebno propisano kantonalnim odnosno federalnim zakonom.“

Član 31.

Član 91. se briše.

Član 32.

Članovi 91b. i 91c. se brišu.

Član 33.

Član 96. mijenja se i glasi:

„Prijedlog za pokretanje postupka za izmjenu Statuta može podnijeti jedna trećina vjećnika, općinski načelnik, Komisija za Statut i propise i građani u formi građanske inicijative.

Prijedlog za pokretanje postupka za izmjenu Statuta dostavlja se predsjedavajućem Vijeća i mora biti u pisanoj formi sa obrazloženjem.“

Član 34.

Član 97. mijenja se i glasi:

„O prijedlogu za pokretanje postupka za izmjenu Statuta općine raspravlja se na sjednici Općinskog vijeća.

Ukoliko Općinsko vijeće prihvati prijedlog za pokretanje postupka za izmjenu Statuta, Općinsko vijeće dvotrećinskom većinom glasova ukupnog broja vjećnika donosi Odluku o pristupanju izradi izmjena i dopuna Statuta.

Komisija za Statut i propise, kao predlagač materijala, dostavlja Općinskom vijeću Nacrt Odluke o izmjenama i dopunama Statuta općine.

Na postupak utvrđivanja Nacrta Odluke o izmjenama i dopunama Statuta općine, provođenju javne rasprave, izrade Prijedloga Odluke i izmjenama i dopunama Statuta općine, podnošenju amandmana na Statut općine, shodno se primjenjuju odredbe Poslovnika o radu Općinskog vijeća.“

Član 35.

Član 98. se briše.

Član 36.

Član 99. mijenja se i glasi:

„Općina je dužna uskladiti svoje propise i akte sa ovim Statutom u roku od 60 dana od dana stupanja na snagu ovog Statuta.

Stupanjem na snagu ovog statuta prestaju da važe odredbe propisa i drugih akata Općine koje su u suprotnosti sa ovim Statutom.“



Član 37.

Član 100.,101.,101a.,102.,103. i 104. se brišu.

Član 38.

Iza člana 99. dodati novi član 100. koji glasi:

„Gramatička terminologija za imenice koje se odnose na pojedine funkcije ili radna mjesta upotrebljena u ovoj odluci u muškom rodu odnose se na oba spola“.

Član 39.

Iza člana 100. dodati novi član 101. koji glasi:

„Ovlašćuje se Komisija za Statut i propise da utvrdi novi prečišćeni tekst Statuta općine Ilidža i da kod izrade istog primjeni Pravila i postupke za izradu zakona i drugih propisa Federacije Bosne i Hercegovine“.

Član 40.

Iza člana 101. dodati novi član 102. koji glasi:

„Ova Odluka stupa na snagu narednog dana od dana objavljivanja u “Službenim novinama Kantona Sarajevo“.

PREDSJEDAVAJUĆI

Muhamed Omerović

DOSTAVLJENO:

1. Općinski načelnik
2. Svim službama Jedinog općinskog organa uprave, stručnim i posebnim službama
3. Općinski pravobranilac
4. Centralna izborna komisija BiH
5. Za objavu „SNKS“
6. Evidencija
7. a/a

